



Civakên tepeserkirî, her dem hest bi zirbehrî û neçalakiyê dikin. Ne ji ber hindê ku ne çalak in, lê çinku bûye pişkek ji jînenîgara kesan. Her tiştêkê bi jiyana mirovî ve hevbend be, verêj û mi-tayê civakiye û civak giringiyê dide. Di civaka me ya kur-dewarî de saleha sal e stema hevder û rijîmên dagîrkerên wel-atê kurdan hewl didin ku kesatiya normal a kurdî nehêlin û ber goma bikin ku dikare hizrên karîger bike.

Ev jî bûye egerê wê çendê ku her dem kesê kurd li be-rhem û verêja xwe ya hizrî bi goman be. Her çende ev şewazê bergomankirina hizran kiryareka azrêner û palên-er rêka rastî û rewaniye. Lê demê ev ji xwe ne razîbûne bibe pişkek ji kesatiyê û rêkê li hizirkirina rexneyî û sax-lem bigire, hingê dibe reftareka nêgetiv û hindêk bi gi-rêyeka derûnî li qelem didin. Erebe vê pirsê bi girê ya xe-waceyî li qelem didin, her kesekê biyanî ji xwecihan baştir, jêrtir, lawtir û mêrtir e. Ev hestpêkirina bi mez-inahiya yê dî, dibe egerê hestkirina bi nizmiya xwe.



Dr. Arif Hîto

Xwenizimdfîtin, ne tinê girêyeka derûniye. Belku arêşeyeka civakiye jî, çinku ewê xwe nizim dibîne, hemû derdorên xwe jî mizim dibîne, di encam de neşê mifayî ji xalên pozîtîfên civakî wergire û her wesa neşê çî zêde-hiyan li ser verêja hizriya civakî jî bike. Lewra her tiştêkê baş di civaka xwe de kêmbiha dibe û bihayên civakî yên xelkê, kêmbiha bin jî, bi çavekê me-zin lê dinêre. Di vê hev kêşê de, ewên xwe nizim dibînin, neşên civakê xwe bigehînine astê civakên dî, yan neşên di nav civakên dî de bijîn û guncayî bin, her wesa bihayên xwe yên civakî jî, ji dest didin. Evca, mîna şervanên bê çek, yan nivîskarên bê doz di nav gilêşoka hizran de berze dibin.

Ev giriya derûnî dibe egerê tenegehiştina civakî û şêlîkirina mînakê heyî jî. Demê kesek biyanî dihê deverê wesa rewşa xwe bo şîrove dikin, her weku hêştî em li sedê heftêne, ji bîr dikin ku di van pazde salên borî de, gelek kir-yarên pozîtîf û berhemhêner hatîne encamdan, her wesa ji bîr dikin ku kesê kurd şivanên xwe guncan û guhorên û nûkirinê jî hene. Her dem rewşa ci-vakekê ya henokeyî ji ya berî çend salan baştir be û ya berî çend salan jî ji ya berî xwe baştir û pêşkevîtir be. Ev ramana pêşkevîtin û karîgeriya wê civakê dide. Pêşkevîtinê civakan bi rabirdûyê wan dihêne pîvan, ne bi hemberkirina wan di gel civakên gelek pêşkevî. Her pêşkevîneka peyîskî be mana wê pit-ewtir û dom dirêjtir e. Û çavlekîrîna kureyane mîna peqîjkên sabûnê difirin.